



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Economy

Broj: 01-04-37535-12/20  
Sarajevo, 8.10.2020. godine

## **SKUPŠTINA KANTONA SARAJEVO** **Predsjedavajući Skupštine Kantona Sarajevo**

**Predmet: Odgovor na zastupničko pitanje zastupnice Danijele Kristić**

Zastupnica Danijela Kristić na 29. radnoj sjednici Skupštine Kantona Sarajevo, održanoj dana 28.9.2020. godine, u okviru tačke dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo („Službene novine Kantona Sarajevo“ broj 41/12 – Drugi novi prečišćeni tekst, 15/13, 47/13, 47/15, 48/16, 9/20 i 14/20) postavila je slijedeće **zastupničko pitanje**:

**“Molim da mi dostavite evidenciju zaštitnih šuma i šuma sa posebnom namjenom na području Kantona Sarajevo u elektronskoj formio, te da ih objavite na zvaničnoj web stranici.”**

### **Odgovor:**

Pitanje zaštitnih šuma i šuma sa posebnom namjenom, kao šuma i šumskih zemljišta s posebnim režimom gospodarenja, regulisano je članovima 26., 27. i 28. Zakona o šumama Kantona Sarajevo („Službene novine Kantona Sarajevo“ broj: 5/13).

Članom 26. stav (2) Zakona o šumama Kantona Sarajevo definisano je:

“Zaštitne šume iz stava (1) ovog člana proglašava Vlada na prijedlog Ministarstva ili općina uz prethodno pribavljeno mišljenje Uprave za šumarstvo“.

Shodno navedenom Uprava za šumarstvo, koja je u sastavu Ministarstva privrede, u svom dosadašnjem radu nije zaprimila zahtjev za mišljenje o proglašenju neke šume zaštitnom šumom.

Kada su u pitanju šume sa posebnom namjenom članom 27. stav (2) Zakona o šumama Kantona Sarajevo propisan je postupak proglašenja šume sa posebnom namjenom:

“Šume iz stava (1) tačke a), b), d) i e) ovog člana proglašavaju se šumama sa posebnom namjenom u skladu sa odredbama Zakona o zaštiti prirode („Službene novine Federacije BiH“ broj 33/03) ili drugim propisom koji također propisuje poseban režim gospodarenja za šume, a šume iz stava (1)





tačka c) ovog člana u skladu sa odredbama Zakona o sjemenu i sadnom materijalu šumskih i hortikulturnih vrsta drveća i grmlja („Službene novine Federacije BiH“ br. 71/05 i 8/10).

U skladu sa članom 28. Zakona o šumama Kantona Sarajevo zahtjev sa elaboratom za proglašenje zaštitnih šuma i šuma sa posebnom namjenom podnosi zainteresovana institucija ili pravno lice pa Vas s tim u vezi upućujemo na Kantonalnu javnu ustanovu za zaštićena prirodna područja i K.J.P. “Sarajevo šume” d.o.o. Sarajevo.

S poštovanjem,

Dostavljeno:

1. Naslovu,
2. Vladi Kantona Sarajevo-na znanje,
3. Evidenciji,
4. Arhivi.



M. N. ISTAR

Drasko Jelenc dipl.ecc



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

